


MULIMU KI MUTOLOKI ILI YENA

 Ndate Yakwa Lihalimu, Linzwi lelizwa ku Wena likona ku talusa nto yetuna kufita seo batu kamukana ka nako kaufela ba kona ku eza kamba ku bulela, kakuli sicaba si libelezi ku Kubona. Mi luitumela ku Wena kakuli kuna ni bani ba bali mwatasa tibeledo, ba bata kuli sesiñwi siezahale. Mi cwale batu ha ba nyolelwa nto yeñwi, buliba bu bizana ni Buliba, ku lukela kuba Buliba bo bu ka alaba kwa pizo yani. Mi kikabakaleo haluli mo busihu bo, kakuli neli ka lipilu za bakutazi ba, ni sicaba, ku lubiza hamoho ku kupa ku Wena sishemo ni limbuyoti, lu lumela kuli Uka folisa bakuli ni ku pilisa ba balatehile, mi ni ku bonahalisa Linzwi la Hao.

² Mi lwa lapela, Ndate yakwa Lihalimu, kuli Uka lufa lika ze halunze lu libelela ku Wena ka buikokobezo, busihu ni busihu. Hakube ni ku—ku suluha kwa Moya o Kenile, mi mutu ni mutu afoufazwe kwa sika kaufela se si mu beile mwahali kwanda Mulimu. Mi hakube muhuwo tuna oka utwahala mwahala sicaba, sesi nyolelwa Mulimu, kufitela kuba ancafazo mwahala naha kaufela mo mi keleke kaufela itale fela batu, baeza libi balilele ku Mulimu kuli abe ni makeke, ni—ni Moya o Kenile ufolise bakuli, kueza lianga kuli lizamaye, ni ku zusa bafu, ni ku alaba lika ze sepisizwe ze mwa Linzwi la Hao.

³ Taha, Mulena Jesu, mi utaleleze sepiso ya Hao. Taha ku luna busihu bo. Lu lumela kuli U yaswana maabani, kacenu, ni kuyakuile, kuli lisepiso za Hao halikoni ku palelwa. Sibeli sa lihalimu ni lifasi lika palelwa kono Linzwi la Hao halina ku palelwa. Kutwisiso ya luna ha ikwaluhe. Moya o Kenile ha utahe mi uyale mubu osika limwa. Kutwisiso ya luna ha ikwaluhele kwa Moya ni kwa mata a Mulimu busihu bo, kuli A bonahalise Manzwi a Hae a sepiso ka luna. Kakuli lwa li kupa ka Libizo la Jesu. Amen.

⁴ Cwale, busihu bo, mina mu balanga mañolo, ha lu apuleñi mwa Biblele mwa Buka ya Pitrosi wa Bubeli, mi lukale ka timana yabu 15, ka mukwa fela wa ku ambola fa Mañolo fa nako nyana.

Mane Ni ka pihelera kuli hanise ni tokwahalile mube ni sesika mi hupulisa litaba zeo.

Kakuli ha lusikaya ka matangu aezizwe, ka butali, alumni zibisize mata ni ku taha kwa Mulena luna Jesu Kreste, kono neluiponezi butuna bwa hae ka meto aluna.

⁵ Na lata sani, “lipaki zeiponezi.” Isiñi matangu nyana. Lu lipaki za se lu bulela.

Kakuli na filwe ki Mulimu Ndate likute ni kanya, nako ya fitelwa ki linzwi le li zwa kwa kanya ye pahami, Yo ki Mwanaka ya latwa, ili yena ye Ni katelwa.

Ni luna lu utwile linzwi leo ha li zwa kwa lihalimu, lunze luinzi ni yena fa lilundu leli kenile.

Hape luna ni linzwi la bapolofita leli tiile kufita; le muka eza hande kuisa pilu ku lona, inge kwa lambi ye lu bonisa mwa. . . sibaka sesi lififi, kuisa kwa malungasiku, mi naleli ya lilungwe ibonahala mwa lipilu za mina:

Sihulu muzibe kuli, hakuna bupolofita bo mutu aka italuseza bona ili yena.

Kakuli mwa mazazi akale bupolofita habusika bonahala ka ku lata kwa mutu: kono batu neba bulela ka taelo ya Mulimu inze ba susumezwa ki Moya o Kenile.

⁶ Mi Mulena aekeze limbuyoti za Hae kwa palo ya Linzwi la Hae. Cwale, Ni ka nga taba ye kuba tuto: *Mulimu Ki Mutoloki Ili Yena.*

⁷ Lu pila mwa lizazi la kulyangana. Lu pila mwa lizazi la kuli baana ni basali ha ba sa ziba sa kueza. Lika kaufela, li—li bonahala kuba mwa mufilifili. Lika kaufela, ku bonahala kuli kuna ni linzila zeñata za kutalima. Yani ki Satani, ya eza sani.

⁸ Cwale, Mulimu hakoni ku atula batu ka kuluka, ka swanelo, konji kube siemo sa Ka ba atula ka sona. Mi Bibeke ibulela kuli Uka atula batu kamukana ka Jesu Kreste, mi Jesu Kreste ki Linzwi. Mwa Joani Muñoli, kauhanyo ya 1, Ibulela kuli:

Kwa simuluhu ne ku na ni Linzwi, mi Linzwi na li ku Mulimu, mi Linzwi neli Mulimu.

Mi Linzwi aezwa nama, mi atoyaha ku luna, . . .

⁹ Cwale, seo kaufela luli sona kacenu ki ponahazo ya milelo ya Hae. Ku Mulimu. . . Pili Na si mane niheba Mulimu, Mulimu, ne lu ka Mu biza fela kuli “wa Kuyakuile.” Yena nasi Mulimu, kakuli linzwi lelili (linzwi la Sikuwa) *Mulimu* litalusa “sika sesi lapelwa” mi nekusina sa ku Mu lapela. Kacwalo Na li wa Kuyakuile, ili—ili Sibuba luli sa zibo kaufela. Mi mwa Sibuba se sa zibo kaufela nekusina katowati, kaka, kamba kutokwa, liseli nekusina, naleli, kweli, nekusina kaufela. Mulimu, selu ziba kuba Mulimu, Moya o mutuna onoli wa Kuyakuile (neu sikabe ukala, neu sikabe ufela), Na liteni kwani. Mi ku Yena neku na ni milelo: neli milelo ya kuba Mulimu, mi ni milelo ya Hae ya kuba Ndate, milelo ya kuba Mwana, milelo ya kuba Mupulusi, milelo ya kuba Mufolisi. Milelo ye kaufela neli ku Yena. Mi cwale ki Ha. . . Lika ze zetañile haisali ki milelo fela ya Hae yenze ibonahala.

¹⁰ Se Ni talusa, *milelo* neli “mihupulo” ya Hae. Mi li—li *linzwi* ki “muhupulo o bulezwi.” Mi he sani nesili mwa munahano wa Hae. Mi fani ha Na ize, “Ha kube sakuli,” mi saba teni. “Ha kube sakuli,” mi saba teni.

11 Mi cwale, muhupule, mina Bakreste nemuli mihupulo ya Hae ku sikaba kale lifasi. Mi mu ponahazo ya ku nahana kwa Hae. Mane ku sikaba kale ni lifasi, nemuli ku Kreste, (amen) ku Mulimu kwa simuluhlo. Seo sipanga mina, kuli, mu bone, batu ba Hae. Mi taba kaufela ki Mulimu, Kasibili, inza ipupa ili Yena yabonwa kuli Akone ku swaliwa, kubonwa, ni—ni zeñwi cwalo. Mi sani kona seo Mulimu ali sona, taba kaufela.

12 Mi batu bali, “Yona toloko . . .” Ne ni ambola kwanu ha ki kale hahulu mwa mukopano, muuna cwana naize kuna, abulela kuli, “Muzwale Branham, una ni toloko ye fosahalile. Ha utoloki Seo hande.”

13 Cwale, lu utwa . . . Baya ku ba Methodist, mi ba li “Ba Baptist ha ba tolokangi hande.” Ba Baptist ba li, “Ba Pentekota haba kondisi.” Ba Pentekota ba li “Ba—ba Oneness ha ba kondisi.” Ba Oneness ba li, “Ba Assemblies haba kondisi.” Mi mutu ni kaufela ubulela kuli yomuñwi hakondisi.

14 Mulimu ki Mutoloki Ili Yena! Ha tokwi mutu ufi kamba ufi kuli a Mu tolokele. Wa itolokelanga Ili Yena. Ki ufi mutu yakona ku toloka Mulimu? Mulimu ki Mutoloki Ili Yena.

15 Cwale, Pitrosi wa bulela fa, lu fumana kuli kwa simuluhlo fani Mulimu hana ize, “Ha ku be liseli,” mi kwaba liseli, yani kona toloko ya teñi. Fani Mulimu ha na bulezi sika kaufela mi ki sa bonahala, konakuli yani ki toloko ya Mulimu kuli Linzwi la Hae li lukile. Mwabona? Fani ha Na ize, “Ha ku be liseli,” sani nesili mwa munahano wa Hae pili ku sikaba kale ni sika sakuli liseli. Fani ha Na ize, “Ha ku be liseli,” liseli la monyeha mwa mbyumbyulu, yani kona toloko. Hakuna ya lukela ku toloka sani, kakuli Mulimu na bulezi cwalo mi sa ba teñi. Mi Mulimu ha bulela mi kwa bonahala, yani kona toloko ya Linzwi la Hae. Kiñi kanti batu ha ba saboni sani? Kiñi kanti sicaba ha si saboni sani?

16 Mi Mulimu ha eza sepiso mi Mulimu ubulela kuli . . . Kwa—kwa simuluhlo, mwa Genese, Na tomahanyize Linzwi la Hae kwa lusika ni lusika hane Linze litaha ka kushetumuka kuzwa kwa simuluhlo kuya kwa maungulo. Mi, kutaha cwalo mwa masika a, keleke ya lifasi ina ni lika ze kaufela ka mukwa o kopani kopani ka lizo, ni zeñwi cwalo, mi Mulimu kamita ulumelanga mwa sibaka, kutaha cwalo mwa Testamente ya Kale ni ye Nca, bapolofita! Mi Linzwi la Mulena litahanga ku mupolofita. Mi cwale Li ezanga cwani? Li bonahazanga Linzwi la Mulimu. Ponahazo ya Mulimu, kona ye bulela lika kuli likondile kamba lifosahalile. Hakuna yakona ku Li toloka, Linzwi li itolokanga lona Liñi. Mulimu na sepisize cwalo mi kona moku ezahalela!

17 Ki bunde mañi bo buliteni ku bulela sika kaufela kaza Teni? Ki ufi mutu wa sibi yaka lika ku bulela kuli (fani Mulimu hana file sepiso mi Mulimu wa ipeta) toloko yani i fosahalile? Yani ki Mulimu yena Muñi inza peta toloko ya Hae ili Yena, kutoloka.

Hatokwi mutu ufi ni ufi ku Mu tolokela, U itolokelanga ili Yena ka ku bonahalisa sa Na sepisize kuli Uka si eza.

¹⁸ Oh, kambe keleke neika bona fela sani ni ku bona lisepiso ze tomezwi lusika ni lusika! Masika amañwi kaufela, Mulimu ulumezi mwa sibaka (mane niheba mwa linako za keleke yabu supa) mi ubonahalisize lika kaufela za Na sepisize ku lieza. Lika kaufela, hakuna nto ni ye kana yesika ezwa. Luli! Sa Na bulezi kuli Uka eza, ki Sa ezize.

¹⁹ Kakuli fani Mulimu hana ize, kwa mulaho kwani ku Isaya, Na ize, “Mwalyanjo uka itwala,” mi sa itwala. Cwale, kimañi—kimañi ya kona ku toloka sani? Mulimu ki yena yana tolokile. Na ize, “Mwalyanjo uka itwala,” mi sa itwala. Cwale, kiñi ha mu. . . hamukoni ku. . . Hakuna se sikona ku bulelwa ka seo, kakuli Mulimu naize uka itwala mi ki ha itwala. Kono keleke nei na ni bubofu hahulu kuli ibone sani. Mwabona, ne ba nani muhupulo wa bona ka sona. Nekuli shutano yetuna—yetuna kufita sene ba kulubela.

²⁰ Pitrosi fa na swanisisa ku za kwa mulaho, ha li, “Mulimu nabonahalisize Krete ka Linzwi la Hae, Mi ali, ‘Yo ki Mwanaka Ya latwa.’” Balumeli ba ne bayemi ona fani. Ni Krete nali ponahazo ya Mulimu. Na bonahalisa Krete kamita ka Linzwi la Hae, kakuli Krete ki Linzwi. Wa iponahazanga kamita.

²¹ Fani ha Na ize. . . Mwa mazazi a Nuwe, Krete nali ku Nuwe. Kana mwa lumela cwalo? Nuwe naize, “Ku ka nela pula. Ku ka ba pula, lifasi lika sinyiwa.” Se inela. Sani ne si sa tokwi toloko kaufela. Ne inelile kakuli Mulimu, ku Nuwe, naize, “Ku ka nela pula.” Na li mupolofita, mi bupaki neli kuli sana bulezi sa to ezahala. Kikaho ha ba tokwi ku toloka sani.

²² Babañwi ba kubona bakona, bateni, bali, “Muuna yo ha zibi sa bulela ka sona.”

²³ Kono Mulimu ubile asepisa kamita, “Haiba ku na ni alimuñwi ku mina wa moya, kamba mupolofita, mi sa bulela si to ezahala, fohe mu mu utwe.” Seo si lukile, kakuli ki niti. Silukela ku zamaelela ni Linzwi. Mi ni Nuwe na zamaelela ni Linzwi. Ha na polofitile kuli ika nela, mi ya nela. Sani ne si sa tokwi ku si toloka, kakuli ne kubile fela ona cwalo.

²⁴ Isaya naize, “Mwalyanjo uka itwala,” mi sa itwala. Cwale, sani neli sika sesinca. Kakuli, mwabona, nekuse ku fitile myaha ye mianda ye miñata fa na tilo itwalela mwalyanjo.

²⁵ Neli nto ye nca luli kufitela muuna yomunde wa libizo la Josefa, muuna hae, “kakuba mutu ya lukile mi asa tabeli ku mu swabisa ku ba bañata. . .” Muuna yomunde yani mwa mazazi ani, kamo ne ku bezi ku Josefa fani hana beelelize, kufa lushango ku Maria.

²⁶ Na beelelizwe. Mwa mazazi ani, ku hana sani, neli nto yeswana fela ni kueza boozwa. Mi, ka niti, ku Josefa, neku

bonahalile inge kuli Maria nalika ku mu tibela, kamba ku mu beya kuba tebe ya mafosisa a hae, kakuli fa nafumanwi kuli seli me, asika nyalwa kale, neli fela libato. Kalaba ka kacwalo, na ka pobaulwa macwe kufitela lifu; ne kulukela kuba cwalo, ka mulao.

²⁷ Mi Josefa, muuna hae, neli muuna ya lukile, mutu ya lukile hahulu. Na lumezi ku Mulimu. Mi hana mu talima ka meto ani, amande a bunolo amatuna, ni kuli, “Josefa, Gabriele Lingeloi tuna lini potezi ni kuni bulelela kuli Ni ka itwala, ni sa zibi muuna.”

²⁸ Cwale, kambe Josefa natalimile kwani mwa Mañolo, mupolofita naize kalibe yani uka eza cwalo! Neli fela Mulimu yana toloka Linzwi la Hae Tota! Mwabona? Kono neli nto ye nca luli.

²⁹ Bwani kona butata mwa lusika lufi ni lufi. Linzwi la Mulimu libanga le li nca kwa batu; ki le Linca luli. Mulimu kamita uezanga lika ze nca. Ki mwa lika ze nca kai ni kai Mulimu ucwalo. Ki ze lwanisana ni mibonelo ya lifasi, kakuli bana ni lika moba hupulela kuli libe. Kono Mulimu utahanga kutoeza litaba ze nca.

³⁰ “Mwalyanjo yo na ka itwala cwañi?” Yena na sepahala, na batile Mulimu kaza teni.

³¹ Mi cwale Mulimu ato ambola ku yena mwa tolo, mi ali, “Josefa, wena mwana Davida, usike wa saba kuikungela Maria musala hao, kakuli sa itwezi ki sa Moya o Kenile. Mulimu umu ambekile. Se kona sesi ezize cwalo.”

³² Kana mulemuhile mo Mulimu na bulezi ni Josefa kwani? Mwa nzila ya bubeli, ka nzila ya tolo. Cwale, luziba kuli kuna ni litolo, lwa lumela mwa litolo. Na lumela mwa litolo. Kuna . . . Mulimu kamita ubulelanga ni batu mwa litolo. Kono litolo ki za bubeli, mwabona, za kona kuba za niti kamba za buhata halisa tolokwi. Kono yena na sa tokwi toloko ni ye kana. Neli Mulimu Kasibili ya na ambola patalaza ku Josefa, kakuli ne ku sina mupolofita mwa naha yana lukela kutoloka mwa mazazi ani. Ne ku sina mupolofita fa lilimo ze mianda ye mine. Konakuli sene si tatama kwa tuso, kuli Mulimu natokomela musebezi, buino bwa mwana Hae Tota, neli ka kubulela ku Josefa ka tolo mi ne ku sina kutoloka. Na ize, “Musali u lukile. Sika sesi Kenile Sani se sili ku yena ki Mwana Mulimu.” Ne ku sa lukeli kuba ni kutoloka.

³³ Mulimu wa itolokelanga za Hae Tota kwa lipilu ze sepahala, za niti, za baana ni basali baba talima fa—fa lika za likunutu, haiba wa sepahala mi una ni niti mi ulumela, Mulimu una ni nzila ya ku ku tolokela zona. Pili, batisisa haiba ki sepiso. Kambe Josefa nakutile kwa mulaho ni ku keluha kwa lizo mi akutele kwa Bibeke, ni ku batisisa, Isaya naize na ka eza cwalo.

³⁴ Mi lika zene bulezwi, ni kupepwa kwa Hae, ni zeo kaufela ka zona neli ambozwi ki Mañolo, “ka bapolofita ba bakenile,” sina

Pitrosi hana bulezi. Mi hakuna mutu yana ni kubeya toloko ye patilwe ku zona. Ki zona luli ona cwalo Mulimu mwana bulelezi kuli lika ezahala. Nali ponahazo ya Linzwi la Mulimu lene li sepisizwe mwa lizazi lani. Mulimu nali bulezi, kacwalo kiha liba teni. Ani neli mafelelezo.

³⁵ Jesu naize. . . Fani ha Na li mwa lifasi, hane basa utwisisi bulumiwa bwa Hae, neli bo butuna hahulu, bo bu nca luli, (neba palezwi), zenca, nitaluse. Neba palezwi ku Mu utwisisa. Na ize, “Mubale Mañolo!” (Ni sepa kuli ha Ni mitibi mazebe kafo, ka kuhuwa cwalo.) “Mubale Mañolo, kakuli ku Ona mu hupula kuli muna ni Bupilo Bobusafeli, mi ki Ona a paka ka za Ka.” Mwabona? “Ki Ona ami bulelela seo Ni li Sona.”

³⁶ Mwabona, Mulimu na tomahanyize Linzwi. Zazi lani neli lukela kuba ponahazo ya Mulimu, Mulimu (Emanuele) una ni luna, “Libizo la Hae lika bizwa Ya babazwa, Muelezi, Mulena wa Kozo, Mulimu ya Mata, Ndate wa Kamita. Mi Libizo la Hae lika bizwa *Emanuele*, ‘Mulimu una ni luna.’” Mulimu nali ku Davida. Mulimu nali ku Mushe. Mulimu! Yani ki Mulimu mwa muinelo kaufela, inza Iponahaza kwa lusika lwani. Kono mwa lusika lo, “Mwalyanjo uka itwala mi uka pepa Mwana mushimani, mi Uka ba Mulimu yaina ni luna.”

³⁷ Kisona sene ba Mu takiselize, ka kuiuza Ili yena kuba Mulimu, mi hape ni kwa kuloba Sabata. Nali yena—Nali yena Mulimu wa Sabata, mi Nali Mulimu. Mi Na si mutu wa fela fela kamba mupolofita wa fela fela (ibo Nali Mutu wa fela fela mi neli Mupolofita), kono Nali Mulimu-Mupolofita. Mi Nali mutalelela wa Linzwi, ona cwalo Mulimu mwana bulelezi kuli Uka eza. Ali, “Kimañi wa ku mina yakona ku Ni nyaza ka sibi? Mubale Mañolo! Ku ona munahana kuli muna ni Bupilo Bobusafeli, mi ki ona apaka kaza Ka.” Kono lizo za bona, neba pila mwa mbengenge ya lusika loluñwi.

³⁸ Hane Ni kutaza lisunda nyana ze felile, “*Kupila mwa mbengenge*.” Mbengenge ki “pono,” lizazi linze li i monyehela, mi kila buhata. Mi mbengenge kaufela ya lusika lusili ki lumonyi lwa buhata. Batu kamita ba kenanga mwa lika zeñwi ze ezahalile lilimo zakwa mulaho. Ba Lutheran ba zamaya mwa mbengenge ya Lutheran. Lumonyi lwa Luther neli lolunde mwa lizazi la hae; Wesley nali yomunde mwa lizazi la hae; ba Pentekota neli ba bande mwa lizazi la bona. Luya lu pahama manela, lu pila mwa lusika lusili! Lunze lu zwelapili, ku zwelapili, ha lukoni ku talima kwa mulaho.

³⁹ Ha luka ipumana luna bañi mwa lika zeñwi, halu hupula kuli luna ni zona li lukile kale, lu ikungelanga lizo za luna kulibeya hamoho; mi sani neli sesinde ka lizazi lani, kono lunze lu ya kwa pili! Mubale Mañolo mi mubone sene si sepisizwe mwa lizazi la kacenu, fohe luka ziba fo lu zamaela, fohe luka bulela fo lu yemi.

⁴⁰ Luther; nemuka talima mwa Mañolo ni kubona mwahali mwani mwa—mwani mwa lusika lwa Sardis, mwakona ku bona hande sene si sepisizwe. Mutalime mufuta wa mupahami yana ile, mutalime sene si ilo mukatanyeza, luli, “butali bwa mutu,” kucinciwa. Mutalime Wesley, ni babañwi cwalo. Halinze litaha ka kushetumuka mwa lusika lwa Pentekota, mi ni kutaha mwahala lusika lwani, mutalime kamo li zamaezi. Mutalime Mañolo ni kubona fo lu fumaneha. Lani kona libaka Jesu hana ize, “Mubale Mañolo!”

⁴¹ Mwabona fo lu zamaela! Ni sepa lufitile fa Kutaha kwa Mwana Mulimu ka nako ya cwale. Ni sepa lufitile mwa lusika lwa—lwa hola yakuli Wa kona ku bonahala ka nako kaufela. Ni lumela kuli Mañolo abulela seo, kuli selu li mwa lihola za makande akale a lifasi. Na kona kubona lika halinze li i tahisa. Mubone Katengo ka Swalisano ya likeleke kanze ka etelela likeleke kaufela ku kona, mwa nombolo ya sibatana. Mi mubone Musole wasi Roma ni sesi ezahala, ni babañwi ba kubona kaufela. Ku babona habanze bakopana hamoho, banze batima Liseli, banze batima Evangeli. Mutu ni mutu ulukela kuba wa siemba sa teni ni kukena mwa liseli la bona kamba musike mwa zamaya ni hanyinyani. Mwabona, lu kwa maungulo a nako. Hakuna sesi siyezi ku luna kwanda ku swalelela ku Mulimu ni ku lumela Linzwi la Hae. Linzwi ki le li lukile kamita.

⁴² Mwa lusika lwa keleke ya Laodesia, yani neli yona fela nako ya lusika, mwahala ona kaufela, foo Krete abeilwe kwande a keleke. Na li kwande, inza ngongota. Kiñi ze ezahalile? Katengo ka Swalisano ka kikona kaka ka Mu beya kwande. Bibebe iize Na nani ku beiwa kwande, mi U cwalo. Ki ku kwalelela sikamañi? Linzwi. Mi Yena ki Linzwi, kamita Ubile Linzwi, mi Usali Linzwi busihu bo! Ki Yena Linzwi.

⁴³ Bibebe ibulezi kuli, “Kakuli Linzwi li buhali, li fita buhali bwa mukwale o lozizwe kafa ni kafa,” Maheberu, kauhanyo ya 4, “li lemaha milelo ni maikuto amwa pilu.” Linzwi nelili cwalo! Neba lukela kuziba Yo nali Yena fani Jesu hana bulezi cwalo mwa lizazi lani.

⁴⁴ Mutalime za Na ezize. Zazi leliñwi Na yemi fani, makalelo a pili a bulumiwa bwa Hae. Neku na ni muuna yana tile ku Yena, wa libizo la Simoni, Simoni Pitrosi. Mi Pitrosi hana Mu talimile mi—mi a Mu bona, Jesu ali ku yena, “Libizo la hao ki wena Simoni mi u mwana Jonasi.” (Na lukela kuziba kuli Mushe naize, “Mulena Mulimu wa mina uka zusa Mupolofita yaswana sina na, mi Yena yo muka muutwa.”) Mi fa neku nani Muuna yana sika mu bona kale mwa bupilo bwa hae, ali, “Libizo la hao ki wena Simoni mi umwana Jonasi.” Kiñi, na zibile ona fani kuli sani nesi felezi ona fani. . . Ne ba sina mupolofita fa lilimo ze mianda ye mine, mi fa neku nani Muuna yana mu bulelela yo nali yena. Ki kabakaleo na amuhezi!

45 Filipi, ka nako yani, naile mi—mi afumana Natanela mwatasa kota, mi amu tisa ku Jesu. Jesu sali “Mubone mu Isilaele ya sina bumaswe ku yena.”

Ki hali, “Muluti, ki lili fo Ni zibezi?”

46 Na ize, “Fani Filipi mane asika kubiza kale, hane uli mwatasa kota, Ni ku boni.”

47 Ki hali, “Muluti, Wena u Mwana Mulimu! Ki wena Mulena wa Isilaele.” Na zibile kuli ku cwalo! Sikamañi? Ne kusa tokwi kutoloka, ki Jehova yana bulezi cwalo!

48 Neku nani bene ba sika lumela ku zona. Neba ize, “Muuna yo ki Balezebubi. Una—Una ni mufuta omuñwi wa makilicani A sweli kuhoha. Yena—Yena ki mulauli, kamba sesiñwi.”

49 Jesu aba talima, mi ali, “Kiñi, haubulela cwalo ka kulwanisa Mwana mutu, uka swalelwa. Kono Moya o Kenile ha u kataha kuto eza ze swana, kubulela kulwanisa Sani, ha una ku swalelwa, mwa lifasi le kamba lifasi leli taha.” Na polofita ka lizazi la luna, zazi lelu lukela ku bona. Kakuli ki Ya swana maabani, kacenu, ni kuyakuile.

Muhupule, neli Jesu Kreste ya nali ku Mushe.

50 Neli Jesu Kreste ya nali ku Davida. Fani Davida, mwana . . . Davida na pahami lilundu, mulena ya hanilwe, mi alilela Jerusalema, yani nesi usili kono neli Kreste ku yena. Kakuli hasamulaho wa lilimo ze mianda ye ketalizoho ka yemilalu, Mwana Davida nailo ina fa Lilundu la Olive ni kutalima mwa Jerusalema mi alila, mi ali, “Jerusalema, Jerusalema, Ni ka ku babalela nako yekuma kai sina kuhu ha i babalela tuzwinyani twa yona, ibo ha ulati!”

51 Fani Josefa hana li mwa tolongo, yani neli Jesu. Fani hana lekisizwe ka masheleñi alikana ni lishেকে ze mashumi amalalu za silivera, yani neli Jesu. Fani hana beilwe kuba muuna ku Potifa, yani neli Jesu. Fani hana ilo ina kula bulyo la Faro. Mi hana ile, mañi ni mañi . . . mulumo wa tolongo, mi mutu ni mutu nana ni ku kubama, yani neli Jesu. Nekusina mutu yana kona kutaha ku Faro konji ka—ka Josefa; hakuna mutu yakona ku taha ku Mulimu, konji ka Jesu fela. Yani neli Jesu, Linzwi lene li sepisizwe hali talelezwa, neli ambozwi fela ka miluti ni mifuta.

52 Fani Jesu hana li fa lifasi fa, Na ezize lika ze swana ni zene ba ezize bapolofita, kona mone ba zibezi kuli Nali ponahazo ya Mulimu ya Linzwi la Hae. Ne li sa tokwi ku tolukiwa.

53 Fani Natanela ha na boni se, awela fafasi, ali, “Wena u Mulena wa Isilaele, ili Mwana Mulimu, Mulena wa Isilaele. Lwa Ku ziba, hakuna mutu yakona kuezwa lika ze.”

54 Nekudema natile busihu, na bulezi lika ze swana ka Bafalisi. Kono, mwa bona, neba swasehile mwa Katengo ka Swalisano kuli neba palelwa ku Li amuhela. Na bonahalisize sene ba bulela, ali, “Muluti, luna . . .” Ki “luna” bafi? Katengo kabona! “Luziba

kuli Wena u muluti ya zwa ku Mulimu, kakuli hakuna mutu ya kona kueza lika ze Mulimu ha si yo ku Yena.” Ne ba Li lemuhile, neba zibile kuli Li cwalo, kono neba swasehile maswe ku zona.

⁵⁵ Mi Mulimu, mwa lilimo ze fitile ze mashumi a mane, unyanganyize naha ye ka kolobezo ya Moya o Kenile, mi baana ni basali ba kwande a Zona kakuli ba swasehile mwa sika sesi swana, ba pila mwa mbengenge ya lizazi lisili. Butata ki bufi? Mutu ni mutu ubata kuba wa Methodist, Baptist, Presbyterian, Lutheran, kamba sesiñwi. Mwabona, ki mbengenge.

⁵⁶ Ne ba pila mwa mbengenge ya lizazi la Mushe. Ki sikamañi sana bulezi? Na ize. . . Neba ize, “Luna lu balutiwa ba Mushe.”

⁵⁷ Na ize, “Kabe muzibile Mushe, kabe mu Ni zibile. Mushe na ñozi za Ka!”

⁵⁸ Kabe muzibile Luther, ne mu ka ziba lusika lo! Kabe muzibile Methodist, ne mu ka ziba lusika lo! Kakuli Kreste na ñozi za lusika lo! Ona Manzwi asweli ku talelezwa alukela ku talelezwa mwa lusika lo. Ha si tokwi mutu kuli a Si toloke, Mulimu wa Itolokelanga ili Yena. Mulimu wa tolokanga ili Yena, kakuli ki Yena fela Anosi yakona ku Sitoloka. Lisepiso za Mulimu kamita libonisanga seo A bulezi, mi yani kona toloko.

⁵⁹ Cwale, Jesu, (ili kubuluka nako), Jesu naize, ku Muñoli Joani, kauhanyo ya 14, timana ya 12, “Ya lumela ku Na, misebezi ye Ni eza uka eza niyena.” Kana Na bulezi cwalo? Yeo ki niti. Sani ha si tokwi ku si toloka. Fani mutu ha eza musebezi wani, yani ki Mulimu. Kaniti!

⁶⁰ Hape Na bulezi mwani kuli, “Ona mone ku inezi mwa mazazi la Lota, kona moku kabela ha taha Mwana mutu.” Jesu na bulezi cwalo. Kana Na bulezi nji? Kaniti, Na bulezi cwalo! Sani hasitokwi toloko kaufela.

Ba li, “Kulukile, sani ne si talusa. . .”

⁶¹ Ne si talusa ona cwalo fela Mwana bulelezi! “Ona mone ku inezi mwa mazazi a Lota, kona moku kabela ha taha Mwana mutu.” Ku cwañi he ka mazazi a Lota? Halu ku teñi fa nako nyana fela, lu fumane sene ba sweli kueza.

⁶² Neku na ni likwata ze talu za batu mwa mazazi a Lota: mulumeli, mulumeli wa sihali-hali, ni yasa lumeli. Zeo limwa likwata kaufela, taba ye swana.

Lu fumana kuli ba Sodoma nesi ba lumeli.

Lota nali mulumeli yana likanyisa fela.

⁶³ Abrahama neli mulumeli. Nali yena yo buitamo nebufilwe ku yena. Nali yena yana libelela mwana wa sepiso. Nali yena yana libelela litaba zeo. Amen. (Ha ni ikezi “amen” na muñi. *Amen* italusa “Ku be cwalo!”) Mi yani ki niti. Abrahama na siyo mwa Sodoma. Abrahama nali kwande mi kwa buse bwa Sodoma. Ki mufuta wa Keleke ya moya kacenu.

⁶⁴ Lota ki mufuta wa keleke ya likopano yesali mwa Sodoma ni haisali. Mulemuhe, Bibeledi ibulezi kuli, “Libi za Sodoma neli filikanya moyo wa hae zazi ni zazi.” Kiñi hana sina mayemo hande aku lwanisa lika zani? Kuna ni muuna yomuñwi yomunde yainzi mwa keleke kacenu, inza talima kuli basali batina tuputula cwalo ni baana baeza lika ze, mi mamembala ba bona banze baya, bayo bapala golfu la Sunda, ni mikiti ya kubina, ni kutapa ni zeñwi, mwa sibaka sa ku kena keleke. Kuitulela kwa ndu la Bulalu busihu, banze babuha televishini, mwa sibaka sa kuya kwa keleke. Ba ikutwa kubata ku bulela sika sesiñwi ka sona, kono katengo kaka ba leleka mwateñi. Butata ki bufi? Ki Lota hape, utalima mwa lihaulo la hae mi ubona sibi, mi usaba kubiza sibi kuli “sibi”!

⁶⁵ Abrahama na siyo mwa ku lyangana kwa bona, nali kwande a zona. Nali mufuta wa Keleke ya moya. Cwale mutalime fela sene si ezahalile kwa mafelelezo a nako, ona fani fela mulilo usika wa kale. Mi bani neli ba Macaba. Nesi bonahalisa mulilo osweli kuwela kwa lifasi la ba Macaba kacenu, fani mibuso haika lobiwa ni ku cisiwa. “Lihalimu likaba mwa mulilo,” ku bulela Mulena, “mi ba katuka ka buhali bo butuna.” Wani neli muluti wa teni.

⁶⁶ Cwale halu ba talimeñi. Kiyo fa Abrahama uzwile kale, hayo mwa Sodoma, nali kwande a Sodoma. Lota nasali mwa Sodoma.

⁶⁷ Ki taba yenca, kakusasa omuñwi ocisa, mwendi kubo ma lebene kiloko ya swanela cwalo, kiha bona baana ba balalu inge bataha, baana ba butu, banze ba zamaya mwa mukwakwa, mwa nzila. Abrahama na inzi mwatasa oke, inza ikatulusa. Nazwile mwa lapa, mwendi nailo lisa kakusasa wani, a kuta, mwa musihali tuna cwalo. Mi kiha bona baana ba balalu inge bataha. Mi ne ku nani sesiñwi ka baana bani, sene, silizize mulangu. Oh, mwai!

⁶⁸ Kuna ni sesiñwi ka Mulimu kamita, fani ha Si fita mwahala sicaba, Si lizanga mulangu. Ba ziba Seo. Kuna ni sesiñwi sesi ba bulelelanga, kuna ni ponahazo fani.

⁶⁹ Abrahama akitima kapili, mi ali, “Mulena ka, akutahe ukene mi nikufe mezi nyana, ni ake mi ni tapise mautu a Hao, mi ni Kufe ni sinkwa, mi kutuha fo U ikele mwa musipili wa Hao.” Kacwalo ki ha sikuluha. Ki ha kitimela mwa mutapi anga nkomwana mi aibulaya, nana ni mutanga yana iapeha. Kiha kena mwa tende, kwatasi kuyena kwani, mi alakaza kuli Sara alube liñende, ni kueza, kamba sico nyana, kupanga sinkwa nyana, ni kupanga linkwa fa mulilo. Kiha litisa mi abafa. Ka nako yana inzi fani, inza ca, ba kala ku lemuha, Muuna yo na sweli kutalima kwani kwa Sodoma. Mi kiha li . . .

⁷⁰ Ba babeli ba kubona, muhupule, neba ile kwani kwa Sodoma. Ba babeli nebaile kwa Sodoma. Shangwe musike mwa mbunji seo. Ni swanisisa ku sana bulezi Jesu. Ba babeli ba

kubona nebaile kwa Sodoma ku yonga Lota ni bene baitukisize kuyo ngiwa kwani. Mi bani bababeli bene baile kwani, baya cwalo kuyo kutaza. (Mi nekuna ni Alimuñwi yana siyezi ni Abrahamama. Mubone sisupo sa Na ezize.) Neba na ni sisupo kwatasi kwani, neku nani...ba Sodoma neba natilwe ka bubofu. Kukutaza Evangeli kamita ibanga kufoufaza ku ya salumela. Mi mulemuhe sene siezize zeo.

⁷¹ Cwale, kuna ni Alimuñwi yayemi kwa mulaho kwanu yana ezize sisupo fapila Abrahamama.

⁷² Cwale, kana mukile mwa lemuh, mubali waza kale kaufela, mulatelele Mañolo, mulatelele makande akale, haku sikaba kale nako kaufela fo mutu akile aya kwa likeleke za sihalihali kwande kwani mwa lifasi, kwande kwani mwa likopano, ha ku sikaba kale muuna yana ni libizo leli fela sina Abrahamama, h-a-m-a, haisali. Kono kacenu bana ni alimuñwi, G-r-a-h-a-m. Yani ki niti. Ka kuya kwani, kuyo ba biza. Ueza musebezi omunde ka lona. Graham, Billy Graham, mutanga Mulimu kwande kwani mwahala likopano, ba litaba za naha, ni babañwi cwalo, banze ba nata ku zona.

⁷³ Ka zazi leliñwi hane ba bata kuli a matele fa Butompehi, ahana asa ka kanya. Mulimu, amu fuyole ka zona. Kifiñ, tukwata twa macwala twani, nasika ya ka mukwa wa teni sina mone ku kabel. Neba ka sinya bo lule ba ma dollar, kakuli na ka ba lelekela kwande nihakuba cwalo, tukwata twa makwai twani ni lika ze cwalo. Mwabona, ukwande kwanu sina numwana wa Mulimu kuba mwa Sodoma. Yeo ki niti.

⁷⁴ Kono muhupule, neku na ni Alimuñwi yana inzi kwani ni Abrahamama, Muuna yomuñwi, isi ba babeli bani bene baile kwani sina mubuleli wa kacenu yana ile kwani kuyo kutaza. Mulemuhe, neku na ni Alimuñwi yana inzi kwani. Ba babeli neba ile ka nzila *yani*, mi Alimuñwi na inzi *kwanu* ni Abrahamama. Mi Yena yana inzi ni Abrahamama kiha mufa sisupo.

⁷⁵ Cwale mutalime, libizo la hae neli “Abrame” mi musala hae neli “Sarai,” mwa lizazi kamba mazazi amabeli kwa mulaho nyana. Mulimu aitahisa ku yena mi amu bulelela ali, “Na cinca libizo la hao cwale kuzwa ku Abrame kuba Abrahamama.” (Mwabona, G-r-a-h-a-m ki litaku ze silezi, mutu.) Kono A-b-r-a-h-a-m kize supa, litaku ze supa; h-a-m, kufela ka h-a-m.

⁷⁶ Cwale, kwa halimu kwanu mwa Keleke ya moya, neku na ni Alimuñwi kwani ku Abrahamama, mi mulemuhe sa Na bulezi. Na ize, “Abrahamama,” (isiñi “Abrame”) “Abrahamama, ukai musala hao” (isiñi “S-a-r-r-a”) “S-a-r-a-h? Ukai musala hao Sarah?”

⁷⁷ Mutalime sana bulezi, “U mwa tende kwa mulaho wa Hao.”

⁷⁸ Mi Yena ali, “Ni ka ku potela. Ni ka to ku potela.” Mutalime tuloka ndina to, ili Yena, kuya ka sepiyo ya Na file. Yani neli Mulimu! Na ize, “Ni ka ku potela.”

⁷⁹ Mi Sarah, (ka nzila yeo kaufela luka utwisisa) ki ha seha kwa na inzi, anosi, mi ali, “Na, musali ya supezi, mulena ka wa lilimo ze mwanda, za kupepwa” (ye neli Abrahamama) “ya cembalile niyena, ya fitelezi siyemo sa bupilo sina ba banca.” Ali, “Kiñi, halu sa kona kuba ni minyaka ye cwalo ni hanyinyani, Ni cembalile ni yena u cembalile.” Mi ali, “Ha lukoni kuba nize cwalo.” Mi ali, “Ku cwañi? Lika ze ha li konahali!”

⁸⁰ Mi yena—yena Muuna (Mulimu mwa nama ya butu) ali, “Kiñi Sarah ha sehile ni ku kakanya, ka kubulela lika ze?” Mwa tende, kwa mulaho wa Hae.

⁸¹ Cwale mutalime, haiba bwani ha ki bulumiwa bo buswana nibo Jesu Kreste nana ni! Na talimile mwahala sicaba ni ku lemuhla mihupulo ya sona. Na bulelezi Pitrosi yo nali yena ni libizo la ndatahe. Na bulelezi Natanela.

⁸² Na bulelezi musali fa lisima, fani ha na ize. . . Ki hali, “A ku Nife kwa mezi,” kamba “U Ni tiseze kwa mezi.”

⁸³ Musali ali, “Muñaka, ha ki swanelo kuli Wena ubulele ni. . . mina Majuda ku ikambota ni ma Samaria. Ha luna siango mwahali a ku luna.”

⁸⁴ Yena ali, “Kono kambe wa ziba Yo ambola ni yena, noka Ni kupa mezi.” Ngambolo ya zwelapili. Ki hali, “Zamaya uyo biza muuna hao mi mutahe kwanu.”

Musali ali, “Ha ni na muuna.”

Yena ali, “U bulelezi hande, kakuli ubile ni ba ketalizoho.”

Musali ali, “Muñaka!”

⁸⁵ Mutalime fa shutano ye mwahala yani ni bona—ni bona ba prisita ba lizazi lani, katengo kani kene kapila mwa mbengenge ya lizazi lisili. Kiha bali, “Yo ki diabulosi!” Neba na ni kualaba puteho ya bona ku sesiñwi, kakuli nesi tokwa ona zani.

⁸⁶ Kono kiñi seo musali yomunyinyani yo, Peu yani yene leliwwe pili inze ili mwa pilu ya hae. . . Na nza kula mi na katezi ka lika zani, na zamaile mwa mikwakwa cwalo sina lihule. Kono cwale hana bona Sani, musali ali, “Muñaka, Ni lemuhla kuli U Mupolofita. Ha lu sikaba ni ya cwana fa lilimo ze mianda ye mine, mi lu bulelelwa kuli Mesia ha kataha ze kona lika Za ka eza.” Oh, mwai! Peu yani yene li mwahali ya zuhela kwa bupilo! Kiñi? Ne ku satokwi ku tolokiwa.

⁸⁷ Jesu naize, “Ki na Ya bulele ku wena.” Sani nesi satokwi ku sitoloka. Na ezize makazo mi na pakile kuli nali Yena Mesia yani, amen, ni kutomahanya litaba ona cwalo mwana sepeselize Mulimu (“Mulena Mulimu wa mina uka zusa Mupolofita ya swana sina na,” kona Mushe). Neli sikamañi sani? Ponahazo ya Mañolo!

⁸⁸ Kiha matela mwa munzi, mi ali, “Amutahe, mu tobona Muuna Ya ni bulelezi lika ze Ni ezize. Kana yo ha ki yena Kreste luli? Kana yo ha ki Yena? Uni bulelezi ze Ni ezize.”

⁸⁹ Cwale mulemuhe, Jesu, yani neli Yena kwani ku Muuna yani yana fulalezi mukokoto wa Hae kwa tende mi abulela seo Sarah na hupula mwahali mwa tende.

⁹⁰ Linzwi la Mulimu libulela kuli, mwa Maheberu, kauhanyo ya 4, kuli. . . U bulela cwana, “Linzwi la Mulimu li mata hahulu ni buhali kufita mukwale olozizwe kafa ni kafa, lipuma fahali a makopanelo a mooko ni masapo, mi li lemuha milelo ni maikuto a mwa pilu.” Ki lona Linzwi! Mi nako kaufela yeo mupolofita natahanga, natahanga ni Linzwi, mi nali yena Linzwi la lusika lwani. Mi kisikamañi sene lieza? Mupolofita yana lemuhanga mihupulo ye ne li mwa pilu.

⁹¹ Ne li ezahalile ku Jesu Kreste kakuli Nali mutalelela wa Linzwi.

⁹² Mi Jesu naize, “Ona mone ku inezi mwa mazazi a Sodoma, kimo ku kabela mwa lizazi la kutaha kwa Mwana mutu.” Moya wa Mulimu uka taha mwa lifasi ka mufuta wa batu, Mulimu ku iponahaza mwa mibili ya butu (Amen! Kana mwa sibona?) mi uka eza lika ze swana zeo Mulimu naezize mwa mubili wa butu mwa Sodoma. Muhupule, ne ba libelela mwana wa sepiso. Mi, ona kuzwa fani fela, mwana wa sepiso ataha. Sani neli sona sisupo sa mafelelezo seo ba Sodoma ni sikwata sa Abrahamama neba boni mwana wa sepiso asika fita kale. Kana mulemuhile seo? Mi cwale Keleke ya moya i fitile fa hola yani.

⁹³ Yomuñwi naize, “Muzwale Branham, kana ubulezi kuli ‘yani neli Mulimu?’”

⁹⁴ Biblele iize, Neli Mulimu! Ha itokwi ku tolokiwa. Kiyena Elohim. Kona mwana Mu bizelize Abrahamama. Mubali wa Biblele kaufela waziba cwalo. *Elohim*, “Yena yakona kaufela.” Nali yena wa Pili, wa Mafelelezo; wa Makalelo, wa Mafelelezo. Elohim! Abrahamama na Mu bizize “Elohim.” Mulimu (mwa litaku zetuna mwa Siheberu), Elohim; ona cwalo fela sina kwa simuluhu, “Mulimu,” Elohim.

⁹⁵ Nali yena Elohim ka ku iponahaza mwa nama, kutina litino za batu, kuca lico za batu. Amen! Sisupo sakuli mwa mazazi a maungulo Mulimu uka bonahala hape mwahala sicaba sa Hae mwa mubili wa butu! Amen! Jesu naize, “Misebezi ye Ni eza muka ieza ni mina. Mi sina mone kubezi mwa mazazi a Sodoma, kimo ku kabela ka nako ya taha Mwana mutu.” Amen! Sani hasitokwi ku sitoloka; sitokwa ku bonahala, seo kona sesi tokwahala. Amen. Kana mwa lumela cwalo?

Halu inamiseni litoho zaluna.

⁹⁶ Ndata luna Yakwa Lihalimu, lufa ku Wena sepiso ya Hao yakuli No bulezi lika ze. No li sepisize. Hakuna yakona ku eza Linzwi la Hao kuba leli pila kwanda Hao. No ize, “Ha ku be liseli,” mi liseli laba teñi. Hakuna ya lukela kutoloka seo, ne si iponahalize.

97 Sina hane lu ambola za Isaya, mupolofita, “Mwalyanjo uka itwala,” na itwezi; hasitokwi ponahazo kaufela, na itwezi. Sani kona sene si ezahalile.

98 No ize, Ha ka taha Uka pepelwa mwa Betelehema, “Kuzwa mwa Betelehema, Judea. Kana ha uyo munyinyani mwahala malena kaufela a Juda, a Isilaele? Kono ku Wena ku kazwa Muzamaisi wa sicaba sa Ka.”

99 Lika za Ka toeza, seo Aka tolila fa sifapahano, ka mo Akato nyazezwa, kutaba mautu a Hae ni mazoho a Hae; “Na holofalile ka libi za luna, ni ku titikelwa bumaswe bwa luna; koto yelufumani kozo ka yona neiwezi Yena fa halimu; ka miupa ya Hae lu folisizwe.”

100 Kamo kuli Davida naize, “Ha nina ku siya moyo wa Hae mwa lihele, kamba Ni tuhelela Ya Kenile wa Ka kubona kubola.” Mi ka lizazi la bulalu, lihola ze mashumi asupile li sika kwana kale kuli libolise mubili wa Hae, Linzwi la Mulimu neli ize, “U ka zuha.” (Neba bulezi kuli ba uzwize mubili wa Hae; ba sa lumela cwalo.) Kono luna lwa lumela, Mulena, Linzwi la Hao! Neli bonahalile. Jesu Kreste na zuhile mi A li, “Nika . . . Amubone, Ni inzi ni mina kamita, mane kuisa kwa mafelelezo a lifasi.”

101 Lu lumela Uteñi mo busihu bo. Lu lumela kuli ki Wena Jesu Kreste yaswana busihu bo, mo, sina mono Inezi kamita. Mi Ubata fela meto, mazoho, mautu, mulomo, mioya, mibili, yeo Ukona kuitusisa kuli uiponahaze ili Wena. Mulimu, u lukenise busihu bo, kuli lukone ku bona Jesu Kreste yapila inza pila mwahali ku luna. Mi A tahe! Mi ku kaezahala, sina tala ya Magerike bani bene batile zazi lani, mi kiha bali, “Muñaka, lu bata kubona Jesu.” Mi neba na ni ku Mubona. Oh, ki tabo ye cwañi fani hane ba Mu boni!

102 Mulimu, Uya swana ni kacenu. Mi No sepisize kuli haiba lu lapa luka Ku bona. “Nako nyana, lifasi ha li na ku Ni bona” (yasa lumeli); “kono ibo mina mu ka Ni bona, kakuli Ni kaba ni mina, mane ni ku mina, kuisa mafelelezo a lifasi.” Luziba kuli Uya swana maabani, kacenu, ni kuyakuile.

103 Mulena, Manzwi ase abulezwi, kuse kuñozwi, cwale ha ku ezahale, kwa Kanya ya Mulimu, ku bonisa kuli Ubuluka Linzwi la Hae. Amen. Mulimu ami fuyole.

104 Ni kabiza mukoloko wa ku lapelelwa. Ni sepa Billy naize ufile makadi a litapelo, wapili kuisa ku ya eza mwanda, kamba sika sesi cwalo. Hayo mo ka nako ye. Kana . . . Kadi ya tapelo ki bukai. . . A mutalime kwa buse bwa . . . Kuna ni—kuna ni nombolo hamoho ni—hamoho ni taku ya (A, B, C, D, kamba . . .). Ki sikamañi seo, A? Ku lukile.

105 Ha lubeñi ni A, nombolo yapili, yabubeli, yabulalu, yabune, yabu ketalizoho. Mukale kuyema ka mufuta ocwalo. A, nombolo yapili, nombolo yabubeli, nombolo yabulalu, nombolo yabune. Yabune, ha Ni sika ibona hai yema. Kadi ya tapelo yabune.

Yapili, yabubeli, yabulalu. Tapelo . . . Mwendu upalelwa ku yema. Haiba ha ba koni, yomuñwi atalime fa kadi yaya bapani niyena, wakona kuba ni kadi mi hakoni ku yema. Kapili cwale. Ki yani fale, yabune. Yabu ketalizoho, kadi ya tapelo nombolo yabu ketalizoho. Yesilezi, yesupile, ketalizoho kazetalu, ketalizoho kazene, lishumi, lishumi kailiñwi, lishumi kazepeli. Amukale fela kutaha kwanu linombolo za mina halinze libizwa. Nombolo yapili, yabubeli, yabulalu, amutahe fela ka kuzwela ka nzila ye. Kadi ya tapelo nombolo yapili, yabubeli, yabulalu, yabune, yabu ketalizoho, yesilezi, yesupile, ketalizoho kazetalu, ketalizoho kazene, lishumi, lishumi kailiñwi, amube mwa libaka za mina. Lishumi kailiñwi, lishumi kazepeli, lishumi kazetalu, lishumi kazene, lishumi kaliketalizoho, lishumi kazesilezi, lishumi kazesupa, lishumi kazeketalizoho kazetalu, lishumi kazeketalizoho kazene, mashumi amabeli, mashumi amabeli ka iliñwi, mashumi amabeli kazepeli, mashumi amabeli kazetalu, mashumi amabeli kazene, mashumi amabeli kazeketalizoho. Kuna ni mutu ya palelwa . . .

106 Ni bona mutangana mwa sipula sa mawili kwa mulaho kwani. Haiba nombolo ya hao ibizizwe, mwanaka, mi—mi haiba ha ukoni ku . . . kulukile, unanule lizoho la hao, luka bona kuli utofita kwanu. Mwabona?

107 Ki babakai mo ba basina kadi ya tapelo kono kanti mwa kula? Ha lu boneñi mazoho amina, kai ni kai. Ona mo, ku lukile, amu nanule mazoho amina. Kana mwa lumela? Habanze baba beya hamoho, kana mwa lumela Cwana, kuli Yena kiya swana maabani ni kuyakuile? Ki babakai? Mutalime bakutazi ba; kana Mañolo abuleli kacenu, bana bahesu, kuli Yena ki Muprisita Yomutuna yakona ku swaliwa matuku aluna? Kana ki niti yeo nji? Ki babakai ba balumela cwalo, munanule mazoho amina? Yena ki Muprisita Yomutuna yakona ku swaliwa ki matuku aluna.

108 Fohe haiba Bibehe ibulela kuli, “Ki yaswana maabani ni kuyakuile,” ki babakai ba balumela cwalo? Konakuli Uka eza cwani kacenu? Uka ba ni kuezza sina mwa Na ezelize maabani. Ki niti yeo nji? Kana Ukai busihu bo? Uinzi kula bulyo laya Mata, mubili wa Hae; Moya o Kenile uteni mo mwa muyaho wo, kuli u Mu zibahalise.

109 Mulemuhe, cwale mutalime. Kisikamañi sene si ezahalile fani yomuñwi hana sweli kwa mungundo sapalo sa Hae kwa mulaho kwani, musali zazi leliñwi? Na sina kadi ya tapelo, lu bulele cwalo, kono na sweli mungundo sapalo sa Hae. Mi fani hana sweli mungundo wa sapalo sa Hae, Jesu asikuluha mi ki hali, “Kimañi ya Ni sweli?”

110 Pitrosi a Mu omanyana, mi ali, “Kiñi, Mulena, seo ha si utwahali fela kuba hande ka munahano. Kiñi, mutu ni mutu ulika kuli a Ku swale. Kiñi hauli, ‘Kimañi ya Ni sweli?’”

¹¹¹ Ki hali, “Kono Ni lemuha kuli Ni fokozi.” Ki ba bakai ba baziba cwalo? *Mata*, ili ku talusa “kutiya,” nazwile ku Yena. “Ni fokozi, kuna ni ya Ni sweli ka muswalelo usili oshutana.” Mi ki Ha sikuluha ni kotalima kwa sicaba kufitela Ha fumana muzamao wa tumelo yani.

¹¹² Mutu kaufela nanza Mu kambeka mazoho, “O Muluti, lwa Ku lumela,” ni ze kaufela.

¹¹³ Kono neku nani yomuñwi luli yana Si lumezi. Mi kiha swala kwa mungundo wa Hae ni ku lumela kuli ufolisizwe, kakuli naize mwa pilu ya hae haiba na ka eza cwalo kona sene sika ezahala.

¹¹⁴ Ki ha sikuluha ni kotalima sicaba kufitela A mu fumana, mi ki Ha sali . . . ku mu bulelela kuli butata bwa hae bwa mali nebuse bu felile nikuli na folisizwe. Kana ki niti yeo? Cwale, yani kona nzila ya Na ezize, mwahala sicaba.

¹¹⁵ Cwale, Ni bulela kuli Ha ki ya shwile, ki Ya sa pila ni kacenu sina mwa Na ize sa pili. Ni Bibelee iize, Jesu naize, Yena kasibili, “Ona mone kubezi mwa mazazi a Sodoma, kona moku kabela mwa lizazi la kutaha kwa Mwana mutu.”

¹¹⁶ Cwale mutalime, hakuna taba ka mpo mañi yeo Mulimu abeile kwanu, ku lukela kuba alimuñwi kafo, hape, ya ka alaba kuyona. Na ile mwa munzi, Bibelee iize, “Ne ku na ni lika ze ñata za Na sika eza bakeñisa ku sa lumela.” Kana ki niti yeo? Taba yeswana ni kacenu. Mu lukela ku Mu lumela. Mu lukela fela ku Mu lumela. Yeo kona nzila fela inosi ya teni.

¹¹⁷ Kana mukoloko wa litapelo ulukile? Cwale, mutu kaufela abe ni likute fa mizuzu ye lishumi fela. Hanizibi kamba Ni ka fita kafo, Ni na ni ba mashumi amabeli kaba ketalizoho kamba ba mashumi amalalu ba bayemi kafo. Kono cwale, mwa mukoloko wa litapelo, mutu kaufela mo kumina mwa mukoloko wa litapelo waziba kuli Ni muenyi ku wena, mi ha Ni zibi ni se sikana ka wena, unanule lizoho la hao. Mañi ni mañi mwa mukoloko wa litapelo.

¹¹⁸ Cwale ko mwahala sicaba, wena ya ziba kuli hakuna se Ni ziba ka wena, aku nanule lizoho la hao. Cwale, cwale, kise se Ni lika ku bulela, mulikana, mwabona. Cwale, kise fa. Bakutazi ba kaufela kwanu kwa katala. Ni Kreste nafile sepiso ye. Mwabona, i ñozwi. Ki lili fone ilukela kuto ezahala? Mwa mazazi a mafelelezo, fo Kutaha kwa Mulena ku sikaba kale. Ki niti yeo? Ne li ka to ezahala ka nako yeo.

¹¹⁹ Cwale, lani kona Linzwi leli polofitilwe kacenu. Isiñi liseli la Luther; isiñi liseli la Wesley; mane isiñi niheba liseli la Pentekota. Li kambami kale mwa mukwakwa cwale. Cwale, za Luther ki zende; za Methodist ki zende; za Baptist ki zende; kaufela bona, za Pentekota, ki zende. Kuna ni mifuta kaufela yeinzi mo busihu bo. Ha ki—ha ki—ha ki mutu ka bu yena. Ku cwañi he haiba . . .

¹²⁰ Hamukoni ku bulelela wa Methodist sika kaufela kaza Luther, kakuli ulumela mwa kukeniswa mi Luther yena ha lumeli. Mwabona?

¹²¹ Hamukoni ku bulelela wa Pentekota kuli “kukeniswa kona fela zeliteni,” yena sa boni ku kutisezwa kwa limpo. Ha na ku li lumela zeo. Batili, una ni zetuna kufita zeo. Mwabona? Mi lwani kona lusika lwa mafelelezo lone lunani, mi Bibebe iize ha kuna kuba lusika lusili hape lwa keleke.

¹²² Kono ku lukela kuba ni kopano ya batu, mwabona, mi ki luna ba fa. Cwale, muhupule, sisupo sa mafelelezo. Kikuli luna batu lu libelezi mwana wa sepiso nji? Munanule mazoho amina. Kana mwa lumela kuba Peu ya Abrahamama ka kuba ku Kreste? Munanule mazoho amina. Fohe, Peu ya Abrahamama, amuhela sisupo sa hao! Hasiyo mwa Babilona, hasiyo kwande kwani mwa lifasi laba likopano. Simo mwahala ku mina, bani ba ba siyo mwa kulyangana koku liteni kwani. Mu silumele!

¹²³ Kiyofa musali, ki muenyi luli kuna, kiya bata kuba ya likana nina. Hani sika mubona kale musali yo mwa bupilo bwaka. Kambe Na folisa musali kambe Ni ezize cwalo, haiba wa kula. Hakuna se Ni ziba ka yena. Kana mu muboni hana nanuzi lizoho la hae nako nyana fa? Na—Na li kuba ni mubone fateñi. Ki musali fela ona cwalo ya yemi fani.

¹²⁴ Kacenu batile kwanu kuto tisa makadi a litapelo, ku a kopanya kopanya ni kuafa kwa batu. Yomuñwi una ni nombolo yapili kwanu, mi yomuñwi ki lishumi kwa mulaho kwani, nombolo yabu lishumi kazekeetalizoho, nombolo yabu supa, nombolo . . . sina fela cwalo. Kize kopani kopani, ona fapila hao, zazi ni zazi. Mi cwale haba biziwa, ba biziwanga fela kuzwa kwa maneku kaufela. Mwabona? Mi, cwale, hamu lukeli mane niheba kuba ni kadi ya tapelo, muine fela ona fo mi mulumele. Kiñi hakusi . . .

¹²⁵ Muinyape ili mina, busihu bo, mu fumane hola ye lupila ku yona. Mwabona? Cwale, seli mafelelezo fela, hape, mulikana. Kuse kubata kufela!

¹²⁶ Cwale, haiba Mulimu wa Abrahamama na zusize Jesu Kreste kwa bafu, nikuli Jesu na sepisize kuli mwa mazazi a maungulo lisupo ze swana zeo Abrahamama . . . zani Lingeloi (yana li Mulimu ka mubili wa butu) zana ezize fapila Abrahamama, ona fani mwana wa sepiso asika fita kale, Jesu naize lika ze swana lika ezahala kacenu.

¹²⁷ Cwale, lubona liziezi ni likopano, ni zani kaufela, ni kulyangana kokuli ni bona. Lu bona Billy Graham kwatasi kwani, ni Oral Roberts, ni batu bale kaufela kwani; numwana wa Pentekota ni numwana wa likopano kwani, lu bona zeo kaufela ha li ezahala, ili kulwala sisupo. Billy Graham, muituti waza bumulimu yafeza, seo likopano lilumela ku sona. Oral Roberts, mufolisi yafeza, ona cwalo fela ba Pentekota . . .

¹²⁸ Kono amutalime kwanu, kuna ni sesiñwi sesi sepisizwe kwa Peu ya Abrahama. Ki bani kwani mwahala likopano; kuna ni sesiñwi *mwahala* likopano sesi lukela ku ezahala, ku kopanya sicaba. Luka li siya liikele kufitela kamuso busihu.

¹²⁹ Mutalime, ha Ni muzibi musali yani. Ni ka sikululela mukokoto waka ku yena. Haiba Mulena Mulimu uka bulela sika ku musali yani, mwendi ki—ki za linyalo, mwendi kiza masheleñi, mwendi kiza butuku; ha Ni zibi. Yena muñi ukaziba kamba ki niti kamba nee.

¹³⁰ Haiba Uka eza lika ze swana busihu bo zona za Na ezize, kana muka lumela Mulimu yo Jesu Kreste na sepisize kuli ukaba mwa mazazi a maungulo? Ki babakai ba balumela kuli lupila sina mwa Sodoma, fo lifasi kaufela halise likeni mwa mufuta wa Sodoma? Ki babakai mo kumina baba lumela kuli se Ni mibulelezi busihu ki sa Niti? Fohe, bana ni Peu ya Abrahama, mu lumele Mulimu!

¹³¹ Cwale, konakuli lika zwa mwa mihupulo yamina kuli Ni lika ku ambola sesiñwi ku musali, ku mutalima mwa pata, kamba kunga lika kaufela kaza kunahaniseza kamba seo kaufela mubata ku ziba. Mutu kaufela ya ziba kaza kunahaniseza ulukela kuziba hande kufita fo. Mwabona? Mwabona? Kana mukile mwa bona ya nahanisezanga inza kutaza Evangeli? Kana mukile mwa bona wa nzila inza kutaza Evangeli, kueza liponiso ni limakazo, inza bulela Jesu Kreste ka ku swana? Batili.

¹³² Mwabona, fela ki . . .ki mihupulo ya sicaba. Mwabona, ki libofu. Kana mwa lumela bakona kuba libofu? Bibeke iize baka ba cwalo. Kana ki niti yeo? “Baituti, babali bangana, ba balata minyaka kufita ku lata Mulimu, bahanyezi ba kozo, batamelezi ba buhata, baba sina buiswalo, banyazi baba baeza zende, kuba ni mubonahalelo wa bumulimu, kono banze ba hana Mata ateni.”

¹³³ Kana Jesu nasika li, ku Muñoli Mateu 24:24, kuli “Mioya ye mibeli mwa mazazi a mafelelezo ika puma nibona ba Baketilwe, kambe ki nto ye konahala”? Kono ha ku konahali. Ne bali mwa mihupulo ya Mulimu isali kwa simuluhu, mi kiba siemba sa Mulimu.

¹³⁴ Cwale, Mulimu wa Abrahama, Isaka, ni Jakobo, ha ku zibahale busihu kuli Ni bulela Niti ka Wena. Ki Wena, Mulena. Ka buikokobezo lumeleza batanga ba Hao kunga mihupulo ya bona bañi kuzwa mwa nzila, kuli Ukone kuitusisa mibili ya luna kwa Kanya ya Hao. Ka Libizo la Jesu, yena Mwana Mulimu. Amen.

¹³⁵ Mpo ki sikamañi? Ha ki sika semu kona kunga ni kulemaka ni ku sikulula. Batili, batili. Ki kuziba mo kona kuzwela mwa nzila kuli Mulimu aitusise wena. Mpo ki kuizusa ili wena mwa, mi Mulimu aitusise sona.

¹³⁶ Musali yali kwa mulaho waka uka shwa onafa haiba ha foliswa. Musali yainzi kwa mulaho wa ka kona asazo lapelelwa ki mutu usili, cwanoñu nyana fa. Ukula kansa. Kansa ya teni imwa mazwele ahae ni mwa sibiti sa hae. Mi kona anasa zo lapelelwa, mi ulika ku silumela ka tumelo mi ufolisizwe. Sani KISONA SA BULELA MULENA! Kana ki niti yeo, musali? [Musali uli, “Eeni, ki niti.”—Mu.] Haiba ki niti, nyanganyisa—nyanganyisa lizoho la hao kwa sicaba. Mulimu wa Abraham usa pila! Ku lukile, zamaya ulumele so lumela mi ukaba hande. Amen.

Mwa lumela? Mu li, “Ku cwañi he kwa sicaba?”

¹³⁷ Musali yo yainzi fa ni . . . kwa mafelelezo a lipula, musali wa bubeli ona fo. Hane Ni sikuluhile ona fani Ni boni sesiñwi, sika sesi kwa lizoho la hae, mali inza kasha. Ukula butuku bwa pilu. Kana ki niti yeo, musali? Unanule lizoho la hao. Haiba wa lumela, butuku bwa hao bwa pilu buka kusufaza. Mulimu wa Abrahama usali mwa sibaka. Kiya swana fela ona mwana inezi, Linzwi la Mulimu la lizazi le!

¹³⁸ U ikutwa cwani? Wa lumela cwale? Ube ni tumelo ku Mulimu! Ubonahala kuba sina mwanana. Mulimu waziba pilu ya hao, musizana, ha Ni. Kana wa lumela kuli Mulimu wakona ku patulula kuna butata bwa hao? Kana wa Mu lumela haiba Ni lumela? Ha ki ka wena, ki ka mutu yomuñwi, yo ki kezelahao. Mi ukula hahulu mane uteni ona mwa munzi mo kwa mutulo, Tulare. Mi umwa sipatela, mi ukula kansa yamwa mali, mi baalafi bamu palezwi kuli ashwe. Hakuna sepo ni hanyinyani. Yeo ki niti. Kana wa lumela? [Musali, wa lila, uli, “Eeni.”—Mu.] Ku lukile. Kiñi so sweli mwa lizoho la hao? Inga seo mi umu kambeke sona. Mi usike wa kakanya. Ulumele! Amen.

¹³⁹ Kana wa lumela? Hani sika mubona kale musali yo mwa bupilo bwaka. Kono Mulimu usiala ali Mulimu! Cwale, muñi bulelela kuli mutu wakona kueza zani? Ha ki ka mata a mutu kuli li ezahale. Ki Mulimu yo Jesu Kreste na sepisize kuli uka ba mo mwa mazazi a maungulo mi uka iponahaza ili Yena (ili fapila Peu ya Abrahama) sina mone ku inezi mwa mazazi a Sodoma.

¹⁴⁰ Cwale fa, ha Ni muzibi musali yo, lu baenyi ku yomuñwi ni yomuñwi, Ni sepa kuli kona kukopana kwa luna kwa pili mwa bupilo. Kana wani lumela kuba mutanga Hae? Kana wa lumela se kuba Linzwi? Mi uziba kuli haiba . . . Linzwi le isali lona leli lemuhanga mihupulo ni maikuto a mwa pilu. Ki niti yeo? Linzwi ki Mufolisi, hape, haiba ukona ku Li lumela. Wa lumela? Uapesizwe muluti, ni wena, ka muluti o munsu. Ki kansa. Mi wa lumela kuli Mulimu wakona ku ni bulelela koku inzi kansa yeo? Ikwa mala a mwatasi, kimo ba bulelezi baalafi. Kana wa lumela cwale kuli uka foliswa? Zamaya, mi usike wa kakanya ni hanyinyani, mi Mulimu uka ku folisa. Amen.

141 Mwa lumela, kaufela mina? Ona cwalo fela mwa Na sepiselize ku eza! Mube ni tumelo ku Mulimu, musike mwa kakanya.

142 Lu baenyi ku yomuñwi ni yomuñwi. Ha ni kuziba. Haiba lu baenyi, sicaba kanti sizibe cwalo, luswale mazoho aluna. Hani sika mubona kale musali yo mwa bupilo bwaka.

143 Kana mwa lumela kwande kafo nji? Mwa lumela kuli ki Jesu Kreste? Ki sikamañi seo? Ki Linzwi la Hae. Batu ba ha ba ka Li hana, ha bahani mutu, ba hana Linzwi. Ki Linzwi lene lili kwande, nelisa koni ku kena mwahali.

144 Cwale, musali ki muenyi ku na. Ha ni sika mubona kale mwa bupilo bwaka. Mulimu ki Mufolisi. Ikona kuba taba ya foliso, ikona kuba taba isili fela, kono haiba Mulimu uka ni patululela seo butata bwa hao buli sona, kana uka ni lumela? Sapili so batela ku lapelelwa kasona, kikuli, una ni zebe yekula. Iliñwi ya lizebe za hao, haukoni ku utwa ka yona. Seo si lukile. Yeo ki niti. Mi hape una ni mukwa, mi ubata ku tuhela mukwa wo, kin kuzuba kwai. Beya munwana wa hao mwa zebe ya hao yeutwa kwale, ku lukile, zebe ya hao yeutwa. Ku lukile. Cwale ulumele Mulimu mi uikele mwa nzila ya hao, mi usike. . . mi hauna ku zuba ni haiba kwai yekana haiba ulumela. Zamaya, mi Mulena aku fuyole.

Mwa bona sesi ezahalile. Kana Ha ayo nji?

145 Ha ni kuziba, lu baenyi ku yomuñwi ni yomuñwi. Ha ni sika kubona kale mwa bupilo bwaka, kono Mulimu wa kuziba. Haiba Mulimu uka ni bulelela sesiñwi ka wena, kikuli uka lumela?

146 Kana sicaba kaufela sika lumela? Kana kuna ni yali kafo ya ziba musali yo nji? Mutu kaufela mwa sicaba yaziba musali yo? Ku lukile, mu kaziba se kuba sa niti kamba kutokwa. Se sibe sa mafelelezo. Se sibulele bu niti.

147 Cwale mwa kona kubona se si ezahalile ona mwa mizuzu nyana ye felile. Mwabona? Fela ki . . . Na tantalika. Mwabona? Lika kaufela se liba za bubofu ku na. Mwabona, Ki ku lemuha. Mwabona, Ki Moya o Kenile. Ha ki na. Ki Linzwi leli sepisizwe mwa lizazi le. Haku sikaba kale haisali ka mazazi a ba apositola, ha ku sikaba kale. Konji fone ku bulezwi, “Ka nako yeo Mwana mutu asika fita kale. Ona mone ku inezi mwa mazazi a Lota, kimo ku kabela ni ha taha Mwana mutu.” Baba sa lumeli haba Li lumeli. Haba kulubelwi kuli ba Li lumele. Kono balumeli ba Li lumela!

148 Cwale, haiba Moya o Kenile uka patulula se, ki ba bakai ba balumela ka lipilu za mina kaufela, muka nanula mazoho amina?

149 Una ni sesi sinyehile. U kile waba mwa kozi ya mota, icomozi masapo amañwi a moongola a shekeshize mwa mulala wa hao.

Hape lipiyo la hao li tepetile ni lona. Yeo ki niti, nji cwañi? Wa lumela? U kaba hande. Kulumbwe Mulena.

150 Wa lumela kuli Mulimu wa folisa butata bwa lipiyo? Kanti uzwelepili mi u amuhele foliso ya hao.

151 Taha, musali. Talima kwa neku le. Wa lumela kuli Mulimu wa folisa butata bwa pilu? Ku lukile, ikele mi u lumele, ni pilu ya hao ika fola.

152 Taha kwanu. Wa lumela kuli Mulimu wa kona ku folisa mukokoto wa hao, aku eze hande? Zamaya he mi u lumele.

Mulumele fela Mulimu, ki zona fela ze mulukela kuezala!

153 Taha, musali. Wa lumela kuli Mulimu wa folisa butata bwa mwa mba? Zamaya, uyoicela mulalelo wa hao, u lumele ka pilu ya hao kaufela.

154 Taha. Wa lumela kuli Mulimu wa kona ku folisa butuku bwa kuopa mwa lingongo? Kanti ikele, ulumele, mi ueze. . . ni Mulimu uka ku folisa.

155 Ku lukile, taha. Wa lumela ka pilu ya hao kaufela? Wa lumela? Kuopa mwa lingongo, hape. Kana wa lumela kuli Mulimu wakona ku kufolisa? Zamaya he, ulumele Cwalo, uli, “Ni Itumezi, Mulena.”

Ki ba bakai baba lumela kwande kafo? Kana mwa lumela?

156 Musali yo yainzi fa ni ndelesi ye fubelu, ya nanula lizoho la hae mwa halimu kwanu, ukatazwa ki butuku bwa pilu. Wa lumela kuli Mulimu wakona ku kufolisa? Wa lumela? Ku lukile. Aku beye mazoho ahao ku musali yo fafasi foo, mi umu bulelele kuli linzwi la hae likaba fela hande. Amen.

Ki fo cwale. Amen. Kana mwa lumela? Mube ni tumelo!

157 Kiyoy muuna ya inzi fa, ukatazwa ki mazambwe. Kana wa lumela, muñaka, wena yainzi onafa? Eeni, una ni mazambwe. Wa lumela akafola?

158 Musali yainzi bukaufi ni wena una ni mazambwe ni yena, mi ukula ni mukokoto. Wa lumela Mulimu uka ku folisa? Wa lumela? Nanula lizoho la hao mi u amuhele seo. Mulumele.

159 Musali yo yainzi bukaufi ni wena una ni butata bwa mautu ni bwa noka. Kana wa lumela kuli yeo ki niti, musali? Wa lumela kuli uka foliswa? Kulukile, nanula lizoho la hao, uli, “Na iamuhela.”

160 Ku lukile, musali ya bapani ni yena una ni butuku. Wa lumela kuli Mulimu uka folisa butuku, musizana ya tinile magilasi? Nanula lizoho la hao, uli, “Na iamuhela.” Ku lukile, u lumele.

161 Musali yainzi bukaufi ni yena una ni butata bwa lipiyo. Kana wa lumela kuli Mulimu uka folisa butata bwa lipiyo, musali? Ku lukile, nanula lizoho la hao, wa muhele.

¹⁶² Musizana yomunyinyani mabapa ni yena una ni kolu. Wa lumela kuli Mulimu uka folisa kolu yeo fo? Nanula lizoho la hao, wa muhele.

¹⁶³ Ki ba bakai ba balumela ka lipilu zamina kaufela? Kanti muyeme cwale mi mu iamuhele. Mu nanuhe fa Pila Mulimu wa Abrahama, Isaka, ni Jakobo.

¹⁶⁴ Ka Libizo la Mulena Jesu Kreste Moya o Kenile ha usuluhele mwa muyaho cwale ni kufolisa mutu kaufela fa Pila Bumulimu!



MULIMU KI MUTOLOKI ILI YENA LOZ64-0205

(God Is His Own Interpreter)

Liñusa le ka Muzwale William Marrion Branham, neli kutalizwe mwa Sikuwa la Bulalu manzibwana, Yowa 5, 1964 ili fa Kern County Fairgrounds mwa Bakersfield, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2015 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org